

四庫全書

集部

欽定四庫全書

集部

文苑英華卷二百

五十八至  
六十

詳校官太僕寺少卿臣李廷欽

助教臣常循覆勘

總校官進士臣朱鈐

校對官中書臣秦泉

謄錄監生臣畢所輯

欽定四庫全書

文苑英華卷二百五十八

宋 李昉等 編

寄贈十二

劉禹錫十七首

白居易二十三首

殷堯藩一首

分司東都蒙襄陽李司徒相公書問因以奉寄

劉禹錫

蚤忝金馬客暮

集作晚

為商洛翁知名四海內多病一生

中舉世往還盡何人心事同幾時登峴首恃舊揖三公  
以下十七篇並見集本

元和癸巳歲仲春詔發江陵偏師問罪蠻徼後  
命宣慰釋兵歸降凱旋之辰率爾成詠寄荆  
南嚴司空  
前人

蠻水阻朝宗兵符下渚宮前籌得上策無戰已成功漢  
使星飛入夷心草偃同歡謠開竹棧拜舞擲桑弓就日  
知冰釋投人念鳥窮網羅三面解章奏九重通卉服聯

操袂雕題畫鞞躬降幡秋練白驛騎畫塵紅火號休傳  
警機橋罷且空登山不見虜振旆自生風江遠煙波靜  
軍迴氣色雄佇看聞喜後金石賜元戎

贈澧州高大夫司馬霞寓 前人

前年牧

集作收

錦城馬踏血泥行千里追戎首三軍許勇

名殘兵疑鶴唳空壘辨鳥聲一誤雲中級南遊湘水清  
請告東歸發灞橋却寄諸僚友

前人

征徒出灞涘回首傷如何故人雲水

集作雨

散滿目山川

多行車無停軌流景同迅波前歡漸成昔感歎益勞歌

思歸寄山中友人

前人

蕭條對秋色相憶在雲泉木落病身起潮平歸思懸涼  
鍾山頂寺暝火渡頭船此地非吾土閒留又一年

途次華州陪錢大夫登城北樓春望因覩李崔

令狐三相國唱和之什翰林舊侶繼踵華城  
山水清高鸞鳳翔集皆忝夙眷遂題是詩

前人

城樓四望出風塵見盡關西渭北春百二山河歸

集作推

上國一雙旌旆委名臣壁中今日題詩處

一作句

天上同

時草詔人莫恠老郎呈濫吹宦途離別舊情親

蘇州白舍人寄新詩有歎蚤白無兒之句因以

贈之

前人

莫嗟華髮與無兒却是人間久遠期雪裏高山頭白早  
海中仙果子生遲于公必有高門慶謝守何煩曉鏡悲

幸免如新分非淺祝君長詠夢熊一作詩

河南王少尹宅讌張常侍白舍人兼呈盧李二

副使

時充弔冊烏司徒使至洛中此詩見二百十六卷

滿地

此篇作滿院

前人

覽董評事思歸之什因以詩贈

前人

幾年油幕佐征東却泛滄浪狎釣童歌枕醉眠成戲蝶  
抱琴閒望送歸鴻文儒自襲膠西相倚伏能齊塞上翁



更說扁舟動鄉思青菰已熟柰秋風

蚤春對雪寄澧州元郎中

前人

新賜魚書墨未乾賢人暫屈遠人安朝驅旌旆行時令  
夜見星辰憶舊官梅蘂覆階鈴閣暖雪峯當戶戟枝寒  
寧知楚客思公子北望長吟澧有蘭

蒙恩轉儀曹郎依前充集賢學士舉韓潮州自

代因寄七言

前人

翔鸞闕下謝恩初通籍由來在石渠暫入南宮判祥瑞

還歸內殿閱圖書故人猶在三江外同病几經二紀餘  
今日薦君嗟久滯不唯文體似相如

實朗州見示與澧州元郎中蚤秋贈荅命同作

前人

隣境諸侯同舍郎芷江蘭浦恨無梁秋風門外旌旗動  
曉露庭中橘柚香玉簾微涼宜白晝金笳入暮應清商  
騷人昨夜聞鷓鴣不歎流年惜衆芳

贈致仕滕庶子先輩

時及第人  
中最老

前人

朝服歸來畫錦榮登科記上更無兄壽觴每使

一作曾許

孫獻勝境長携眾妓行矍鑠據鞍能騎健殷勤把酒尚

多情凌寒却向山陰去衣繡郎君雪裏迎

時今子為御史主務在越

中

美温尚書鎮定興元以詩寄賀

前人

旌旗入境犬無聲戮盡鯨鯢漢水清從此世人開眼目

始知名將出書生

寄陝州姚中丞

前人

八月天地肅二陵風雨收  
旌旗闕下來雲日關東秋  
禹跡想前事漢臺餘故丘  
徘徊襟帶地左右帝王州  
留滯悲昔老恩光榮徹侯  
相思望棠樹一寄高聲謳

為郎分司寄上都同舍

前人

籍通金馬門身在銅駝陌  
省闈晝無塵宮樹遠凝碧  
荒堦蘇淺深集作荒街  
淺深轍古渡潺湲石  
唯有嵩丘雲堪誇蚤

朝客

裴祭酒尚書見示春歸城南青松塢別墅寄王

佐丞高侍郎之什命同作

蚤宦閱人事晚懷生道機時從學省出獨望郊園歸野  
約渡春水山花映巖扉石頭解金章林下步綠薇青松  
鬱成塢脩竹盈尺圍吟風起天籟蔽日無炎威危逕盤  
羊腸連甍聳暈飛幽谷響樵斧澄江

集作潭

環釣磯因高

見帝城冠蓋揚光輝白雲難持寄清韻投所希二公如

長離比翼翔太微含情謝林壑酌唱迸

一作酬  
贈駢

珠璣顧

予久郎潛愁寂對芳菲一聞丘中趣再撫黃

一作再  
聽撫

金

徽

寄獻北都留守裴令公

白居易

天上中台正人間一品高

中書令上應中  
台司徒官一品

休明值堯舜

勲業過蕭曹始擅文三捷

進士及第博學  
制策連登三科

終兼武六韜

動人名赫赫憂國意忉忉伐

集作  
盪

蔡擒封豕

吳元  
濟

平齊

斬巨鰲

李師  
道也

兩河收土宇四海定波濤寵重移宮籓

自  
東

都留守校  
北京留守

恩新換閭旌保釐東宅靜

周公召公  
東治洛宅

守護北

門牢晉國封疆闊并州士馬豪胡兵驚赤幟邊雁避烏  
號令下流如水仁沾澤似膏路喧歌五袴軍醉感單醪  
將校森貌武賓僚儼雋髦客無煩夜柝吏不犯秋毫神  
在臺駘助魂亡獫狁逃德星銷彗宇霖雨滅腥臊烽戍

高臨代關河遠控洮汾雲時

集作  
晴

漠漠朔吹冷颼颼豹

尾交衙戟虬髯捧佩刀通天白犀帶照地紫麟袍羌管

吹楊柳燕姬酌葡萄

葡萄酒  
出太原

銀含鑿落線

集作  
盞

金屑琵琶

琵琶遙想從軍樂應忘報國勞紫微留北闕

中書令即紫微令也

綠野寄東臯

綠野堂在東都午橋庄也

忽憶前時會多慙下客叨清

宵陪讌話美景從遊遨花月還同賞琴詩雅自操朱紘

拂宮徵洪筆振風騷近竹開方丈依林架桔槔春池八

九曲畫舫兩三艘徑滑苔粘屐潭深水沒篙綠絲縈岸

柳紅粉映樓桃

皆午橋庄中景物之佳者

為穆先陳醴

居易每十齋日在會常蒙

以三勒湯代酒

招劉共藉糟

劉夢得也

舞鬟金翡翠歌頸玉螭螭盛

德終難退明時豈易遭公雖慕張范

張良范蠡

帝未捨伊臯



眷戀心方結踟躕首已搔鸞鳳上寥廓燕雀住蓬蒿欲  
獻文狂簡徒煩思鬱陶可憐四百字輕重抵鴻毛

以下二十三篇並見集本

錢侍郎使君以題廬山草堂詩見示以戲之

集作

見寄因  
酬之

前人

殷勤江郡守悵望掖垣郎慙見新瓊什思歸舊草堂事  
隨心未得名與道相妨若不休官去人間到老忙

贈江州李十使君員外

前人

我本江湖上悠悠任運身朝隨採樵

集作賣藥

客暮伴打

集作

釣

魚人跡為燒丹隱家緣嗜酒貧經過剡溪雪尋覓武

陵春豈有疎狂性堪為侍從臣仰頭驚鳳闕下口觸龍

鱗劔珮辭天上風波向海濱非賢虛偶聖無屈可

集作敢

求伸昔去曾同日今來即後塵

元和末余與李員外同日黜官今又相次出為

刺史

中年俱白髮

集作鬢

左宦各朱輪長短才雖異榮枯事

略均殷勤李員外不合不相親

初到郡齋寄錢湖州李蘇州聊取二郡一哂故

有落句之戲

前人

俱來滄海郡半作白頭翁  
謾道風煙接何曾笑語同  
吏稀秋稅畢客散晚庭空  
霽後當樓月潮來滿座風  
雲溪殊冷僻茂苑太繁雄  
唯有集作此錢塘郡閒忙恰得中

初冬蚤起寄夢得

前人

起戴烏紗帽行披白布裘  
爐溫先煖酒手冷未梳頭  
蚤景煙霜白初寒鳥雀愁  
詩成遣誰和還是寄蘇州

春盡日天津橋醉吟偶呈李尹侍郎

前人

宿雨洗天津無泥未有塵  
初晴迎蚤夏落照送殘春  
興發詩隨口狂來酒寄身  
水邊行窺蒺藜橋上立  
逡巡疏傅心情老吳公  
政化新三川徒有主風景屬閑人

洛下閒居寄山南令狐相公 前人

已收身向園林下猶寄名於祿仕  
間不鍛嵇康彌懶靜無金疏傅更貧閒  
支分門內餘生計謝絕朝中舊往還  
唯是相君未忘得時思漢水夢巴山

元微之新除浙東觀察喜得相

一作杭隣

前人

稽山鏡水歡遊地犀帶

一作角

金章榮貴身官職比君雖

校小封疆與我且為隣郡樓對望

一作既

千山

集作峯

月江

界平分兩岸春杭越風光詩酒主相看更合與何人

花前有感兼呈崔相公劉郎中

前人

落花如雪鬢如霜醉拾

集作把

花看益自傷少日為文

集作

名多檢束長年無興可顛狂四時輪轉春常少百刻支

分夜苦長何事共同

集作同生

壬子歲老於崔相及劉郎

余同

崔劉同年  
獨蚤衰白

侍中晉公欲到東洛先蒙書問期宿龍門思往

感今輒獻長句

前人

昔蒙興化池頭送

太和三年春居易授賓客分司東京時蒙侍中於興化里池上宴送

今

許龍門潭上期聚散但慙長見念榮枯安敢道相思功

成名遂來雖久雲卧山遊去未遲聞說風情筋力在只

如初破蔡州時

寄荆

集作山

南淮南二相公

前人

故交海內只三人

集作二

座巖廊一卧雲老愛詩書應

是

集作還似

我榮兼將相不如君百年膠漆初心在萬里煙

霄中路分阿閣鸞凰

一作阿鸞彩鳳

野田鶴誰

集作何

人信道舊

同羣

縣西郊秋寄贈馬造

集作達

前人

紫閣峯西清渭東野煙深處夕陽中風荷落

一作老

葉蕭

條綠水蓼開

一作殘

花寂寞紅我厭宦遊君失意可憐秋

思兩心同

見于給事暇日上直寄南省諸郎官詩因以戲

贈

此詩已見一百九十一卷

夜宿江浦聞元九

集作八

改官因寄此什

前人

君遊丹陛已三遷我泛滄浪亦二年劍珮曉趨雙鳳闕  
煙波夜宿一漁船交親盡在青雲上鄉國遙拋白日邊



若報生涯應笑殺結茅栽芋種畝田

江樓晚眺景物鮮奇吟翫成篇寄水部張籍員

外

前人

澹煙疎雨間斜陽江色鮮明海氣涼  
蜃散雲收破樓閣  
虹殘水照斷橋梁  
風翻白浪花千片  
鴈破晴天字一行  
好着丹青圖畫

集作寫

取題詩寄與水曹郎

立秋夕涼風忽至炎暑稍消即事詠懷寄汴州

節度李二十尚書

前人

嫋嫋簷樹動好風西南來紅缸霏微滅碧幌飄飄開披  
襟有餘涼拂簟無纖埃但喜煩暑退不惜先陰催河秋  
稍清淺月午方徘徊或行或坐卧體適心悠哉美人在  
浚都旌旗繞樓臺雖非滄溟阻難見如蓬萊蟬迎節又  
換鴈送書未迴君位日寵重我年日摧頽無因風月下

一與共持杯

集作一舉  
平生杯

同夢得暮春寄賀東西川二楊尚書

前人

龍節對持真可愛，鴈行相接更堪誇。  
兩川風景同三月，千里江山屬一家。  
魯衛定知聯氣色，潘楊亦覺有光華。  
予與二公皆忝姻戚應憐洛下分司伴，冷宴閒遊老看花。

寄贈元九

前人

自我從宦遊，七年在長安。  
所得唯元九，集作君乃知定交

難。豈無山上苗，徑寸無歲寒。  
豈無要津水，咫尺有波瀾。

之子異於是，久要集作處誓不諼。  
無波古井水，有節秋竹

竿。一為同心友，三及芳歲蘭。  
花下鞍馬遊，雪中杯酒歡。

衡門相逢迎不具帶與冠春風日高睡秋月夜深看不  
為同登第集作不為同署官所合在方寸心中集作無

異端

贈吳舟

前人

巧者力若

集作

勞智者心若愁

集作

愛君無巧智終歲

閒悠悠嘗登御史府亦佐東諸侯手操糾繆簡心運決

勝籌宦途似風水君心如虛舟汎然而不有進退得自

由今來脫豸冠時往侍龍樓官曹稱心靜居處隨跡幽

冬負南榮日支體甚溫柔夏卧北窓風枕席如涼秋南山入舍下酒甕在床頭人間有閒地何必隱林丘顧我愚且昧勞生殊未休一入君集作金門直星霜三四周主恩信難報近地徒久留終當乞閒官退與夫子遊

潯陽歲晚寄元八郎中庾三十三員外

前人

閱水年將暮燒金道未成丹砂不肯死白髮事須生病肺慙杯滿衰顏忌鏡明春深舊鄉夢歲晚故交情一別

浮雲散雙瞻列宿榮螭頭堦下立龍尾道前行封事頻  
聞奏除書數見名虛懷事僚友平步取公卿漏盡雞人  
報朝回女使集作幼女迎可憐白司馬老人在湓城

醉贈劉二十八使君

前人

為我引盃添酒飲與君把筋擊盤歌詩稱國手徒為爾  
命壓人頭不柰何舉眼風光常寂寞滿朝官職獨蹉跎  
亦知合被才名折二十三年折太多

初到忠州贈李大夫

前人

好在天涯李使君  
江頭相見日黃昏  
吏人生梗都如鹿  
市井疎蕪只抵村  
一隻葉舟當驛步  
百層石蹬上州門  
更無平地堪行處  
虛受朱輪五馬恩

歎春風兼贈李二十侍郎 前人

樹根雪盡催花發  
池畔

集作岸

冰消放草生  
惟有鬢霜依

舊白春風與我獨無情

醉贈劉十二

一作寄嶺南張明府

殷堯藩

春草正萋萋  
知君過惡溪  
鷺將吉日語  
猿共猓然啼  
別

路魂先斷還家夢  
幾迷定尋雷令劍  
應識越王笄樹色  
多於北潮聲  
少向西椰花  
好為酒誰伴  
醉如泥

文苑英華卷二百五十八



欽定四庫全書

文苑英華卷二百五十九 宋 李昉等 編

寄贈十三

孟郊九首 張籍一十二首

李廓一首 章孝標六首

賈島二十三首

擢第後東歸書懷獻座主呂侍郎

孟郊

昔歲辭親淚今為戀恩泣去住情難竝別離景易戢天  
矯太空鱗曾為小泉蟄幽意獨沉時震雷忽相及神行

既不牢直制

集作致

非所執至運本遺功輕生各

一作苦

自

立大君思此化良佐自然集寶鏡無私光時文有新習

慈親誠

集作誠

志就賤子歸情急擢第謝靈臺牽衣出皇

邑行襟海日曙逸抱江風入蕪葭綠波浪芙蓉紅岸濕  
雲寺勢動搖山鍾韻嘯吸舊遊期再踐懸水得重挹松  
蘿雖可居青紫終當拾

以下九篇並見集本

贈張端公

前人

君子量不極，胃吞百川流。嫉邪霜意

一作氣

直問客

集作俗

春辭柔日，戶晝暉靜。月杯宵景幽，詠驚芙蓉發。嘯激風

飈，秋鸞步獨無侶。鶴音清

一作仍

寡儔，幸霑分寸顧。散此

千萬憂

古意贈梁補闕

前人

曲木忌日影，讒人畏賢明。自來

集作然

照燭間，不受邪佞

輕不有百鍊火孰知寸金情

集作精

銅鈇正同鑄願分麤

與精

集作金鈇正同鑄願分精與麤以避精字

贈章仇兵馬使

集作大隱詠章仇將軍良弃功守貧

前人

飲君滄

一作江

海心誰能辯淺深揖君高山岳

集作山岳德

誰

能齊嶽岑東海精為月西岳氣凝金進則萬景盡退則

羣物陰吾

集作我

欲薦此言天門峻沉沉風飈亦感激為

我颼颼吟

上河陽李大夫

前人

上將秉神略至兵無血

集作猛

威三軍當嚴冬一撫勝重

衣寒

集作霜

劔奪衆景夜星失長輝蒼鷹獨立時惡鳥不

敢飛武牢鎖天闕河橋紐地機大君

集作軍

奚以安守此

稱者稀貧士少顏色貴門多輕肥試登山岳高始

文粹作方

見草木微山岳恩既廣草木心皆

一作亦

歸

奉贈蘇州韋使君

前人

謝客吟一聲霜落群聽清文含元氣柔鼓動萬物輕嘉

木依性植曲枝亦不生塵埃徐庾詞金玉曹劉名章句  
作雅正江山益鮮明蘋萍一浪草菰蒲片池榮魯終

集作

是康樂詠如今攀

集作

其英顧惟菲薄質亦願將此行

并集作

大隱詠崔從事鄭以正隲官

集作以直隲職

前人

古人留清風千載遙贈君破松見真心裂竹見直紋

集作

看直

殘月色不改高賢德常新家懷詩書富宅抱草木

貧安排一泉深

集作安得一啼泉

未化千尺鱗含意永不語釣

璜幽水濱

題陸鴻漸上饒新開山舍

前人

驚彼武陵牀移歸北巖邊開亭擬貯雲鑿石先得泉嘯

竹索

集作引

清吹吟花討

集作成

新篇乃知高潔情擺落區

中緣

贈韓愈

前人

何以定交契贈君高山石何以寶貞資

集作寶貞堅文粹作保貞妍又

作實 贈君青松色貧交過此外無可相彩飾更有石集

首 鼠詩吟之堪淚滴集作淚 其集作 鼠既穿墉又齧

機上絲穿墉有閒土齧機無餘絲集作齧絲無餘衣 朝

吟枯桑柘暮泣空杼機豈是無巧妙絲斷將何施衆人

尚肥華志士多羸饑願君保此節天意多察微

登城寄王秘書建

張籍

聞君住鶴嶺西望自集作 依依遠客偏相憶登城獨不

歸十年為道侶幾處共柴扉今日煙霞外人間得見稀



以下十二篇並見集本

寄昭應王中丞

前人

借得街西宅開門御

集作渭

水頭長貧唯要健漸老不禁

愁獨凭藤書案空懸竹酒寫春風石甕寺會擬待

集作意共

君遊

贈姚合少府

前人

病來辭赤縣案上有丹經為客燒茶竈教兒掃竹庭

集作

亭詩成添舊卷酒盡卧空瓶闕下今遺逸誰占

集作瞻隱

士一作者星

舟行寄李湖州

前人

客行

集作愁

無次第川路動

集作重

辛勤藻密舟行澁

集作藻密

行舟澁一作萍密移舟澁

灣多檝轉頻

集作轉楫頻

薄遊空感惠客

集作失

寄自憐貧賴誦

一作有

汀洲句

一作問

時時慰遠人

此詩二百九十三卷重出今已削去注異同為一

作

書懷寄王秘書

前人

白髮如今欲滿頭從來

一作前

百計

集作事

盡應休唯

集作祇

於觸事

集作目

須防病不擬將心更養愁下藥遠求新熟

酒看山多上最高樓賴君同在京華內

集作城住

每到花時

免獨遊

贈王秘書

前人

不曾浪出謁公侯唯向花間水畔遊每酌新泉看藥竈  
多收古器在書樓有官只作山人老平地能開洞穴幽

自顧閒思無別事

集作自領閑司了無事

得來君處喜相留

寄白二十二舍人

前人

蚤知內詔遇先輩，踏蹬江南百事踈。  
湓浦城中為上佐，爐峯寺後着幽居。  
偏依仙法多求藥，長共僧遊不讀書。

三省此來名望重，肯容君意

集作去

樂樵漁

寄蘇州白二十二使君

前人

三朝出入紫微臣，頭白金章未在身。  
登第蚤年同座主，題書今日是

集作異

州人。閭門柳色煙中遠，茂苑鶯聲雨

後新。此處吟詩向山寺，知君望斷

集作望却

曲江春

寄元員外

前人

外郎直罷無餘事，歸掃書堂對藥爐。門巷不教當鬧市，

集作要市

詩篇轉覺足功夫。月明臺上惟僧到，夜靜坊中有

酒沽朝省入頻閒。日少可能同作舊，遊無

贈趙將軍

前人

當年膽畧已縱橫，每見妖星氣不集作未平。身貴蚤登龍

尾，道功高自破鹿頭城。尋常得對論邊事，委曲承恩掌

內兵會取安西將，報國凌煙閣上蚤

集作大

書名

贈賈島

前人

籬落荒涼僮僕饑樂遊原上住多時蹇驢放飽騎將去  
集作秋卷裝成寄與誰拄杖傍田尋野菜封書乞米赧  
出朝炊姓名未上登科記身屈唯應內史知

贈商州王使君

前人

銜命南來會郡堂却思朝裏接班行才雄猶是山城守  
道薄初為水部郎選勝相留開客館尋幽更引到僧房  
明朝從此辭君去獨出商關路漸長

上令狐舍人

李 廓

名引

集作利

生愁地貧居歲

集作逐

月移買書添架上斷酒

逐

集作過

花時宿客嫌吟苦乖童恨睡遲近來唯儉靜將

此答深知

思越州山水寄朱慶餘

章孝標

窓戶潮頭雪雲霞鏡裏天島桐秋送雨江艇暮搖煙藕  
折蓮芽脆茶桃茗薺鮮還將歐冶劔更淬若耶泉

蜀中上王尚書

前 人

梓桐花幕碧雲浮天許文星寄上頭武畧詔環輝

一作劍鋒

環

相府詩情錦浪浴山州丁香風裏飛牋草印竹煙中

動酒鈎自古高名閒不得肯容王粲賦登樓

贈劉侍郎子第三人一時及第

前人

文動星辰衣彩霞問誰兄弟是劉家鴈行雲接參差翼  
庭樹風開次第花天假聲名喧日月國憑騷雅變浮華

曾看晉漢儒家

一作流

傳龍虎雖多不足誇



題東林寺寄江州李員外 前人

山勢稜層入杳冥，寺形高下起山行。  
象牙床坐蓮花佛，瑪瑙函盛貝葉經。  
日映砌陰移寶閣，風吹天樂動金鈴。  
門前更有清江水，便是潯陽太守廳。

錢塘贈武侍御翊黃 前人

魯將心劔作戈矛，一戰名場造化愁。  
花錦文章開四面，天人科第上三頭。  
鴛鴦待侶飛清中，禁山水綠

集作情住外州時，伴庾公看海月好詩吟。  
斷望潮樓

贈陸皂浙西進詩除官

前人

帝城雲物得陽春  
水國煙花失主人  
昨日天風吹樂府  
六宮絃管一時新

再投李益常侍

賈 島

何處初投刺  
當時赴尹京  
淹留花木變  
然諾肺腸傾  
避暑蟬移樹  
登高鴈過城  
人家嵩岳色  
公府洛河聲  
聯句逢秋盡  
嘗茶見月生  
新衣裁白紵  
思從曲江行

以下二十二篇竝見集本

寄錢庶子

前人

曲江春水滿北岸枕

集作掩

柴闥祇有僧隣舍全無物映

山樹陰終日掃詩債

集作樂價

隔年還猶記聽琴夜寒燈竹

屋間

宿姚合宅寄張司業

前人

閒宵因集會柱史話先生身愛無一事心期往四明松  
枝影搖動石磬響寒清誰伴南齋宿月高霜滿城

黃子陂上韓吏部

前人

石樓雲一別二十二三春相逐升堂者幾為埋骨人涕

流聞染

集作度

瘴病起賀還秦曾是今

集作令

勤道非唯血

在屯踈衣蕉縷細爽味茗芽新鍾絕滴殘雨螢多無近  
鄰溪潭承到數位秩見辭頻若箇山招隱機忘任此身

喜姚郎中自杭州回

前人

路多楓樹林累日泊清陰來去泛流水翛然適此心一  
披江上作三起月中吟東省期司諫雲門悔不尋

贈李金州

前人

綺里祠前後山程踐白雲沂流隨大旆登岸見全軍  
曉角吹入夢秋風卷鴈羣霧開方露日漢水底沙分

寄宋州田中丞

前人

古郡近南徐關河萬里餘相思深夜雨

集作後

未達去年

集作秋

書自別知音少誰忘識面初  
舊山期已久門掩數

畦蔬

寄劉侍郎

前人

衣多苔蘚痕猶擬更趨村

集作門

自夏雖無病經秋不過

原積泉留代鴈疊岫

集作嶼

隔巴猿琴月西齋集如今豈

復言

秋暮寄友人

前人

寥落關河暮霜風樹葉低  
遠天垂地外寒日下山西  
有志煙霞切無家歲月迷  
清宵話白閣已負數年棲

寄胡遇

前人

一自殘春別經炎復到涼  
螢從枯樹出蛩入破堦  
藏落葉書勝紙閑砧

一作砧

坐當床東門因送客相訪也何妨

寄武功姚主簿

前人

居枕江沱北情懸渭曲西  
數宵曾夢見幾度得書批  
驛路穿荒坂公田帶淤泥  
靜恭功奧妙閒作韻清淒  
鋤草留叢藥尋山上柏  
集作石梯客迴河水漲風起夕陽低  
空地苔連井孤村火隔溪  
卷簾黃葉落鑲印子規啼  
隴色澄秋月邊聲入戰鼙  
會須過縣去况是屢招携

重與彭兵曹

前人

故人在城裏休寄海邊書  
漸去老不遠別來情豈疎  
硯

冰催臘日山雀到貧居羨有平戎計官家

集作蒙

別勅書

一作官名勅盡  
除前已押書字

寄賀蘭朋吉

前人

徃徃東林下花香似火焚故園從小別夜杵

集作雨

近秋

聞野菜連寒水枯株簇古墳泛舟同遠客尋寺入幽雲  
斜日扉多掩荒田徑細分相思蟬幾處偶坐蝶成羣會  
宿曾論道登高省議文苦吟遙可想邊葉向紛紛

上邠寧邢司徒

前人



箭頭破帖全

集作  
渾

無敵杖底敲毬遠有聲馬走千蹄朝

萬乘地分三郡擁雙旌春風欲盡山花發曉角初吹客  
夢驚不是邢公來鎮此長安西北未能行

處州李使君改任遂州因寄贈

前人

庭樹幾株陰入戶主人何在客聞蟬鑰開原上高樓鎖

瓶汲池東古井泉因趣

集作  
起靜

野僧曾後到休吟隣叟始

安眠仙都弱

集作  
山

水誰能憶西去風濤書滿船

欽定四庫全書

文苑英華  
卷二百五十七

十三

投龐少尹

前人

閉戶息機搔白首中庭一樹有清陰  
年年不改風塵趣日日轉多泉石心  
病起望山臺上立覺來聽雨燭前吟  
龐公相識元和歲眷分依依能至今

賀龐少尹除太常少卿

前人

太白山前終日見十旬假滿擬秋尋  
中峯絕頂非無路北闕除書又入林  
朝謁此時閒野屐宿齋何處正鳴砧  
省中石蹬陪隨步唯賞煙霞不厭深

贈翰林學士

前人

清重無過知內制，從前禮絕外庭人。  
看花在處多隨駕，

名宴無時不覲

集作及

身馬自賜來騎，覺穩詩緣見徹語。

長

集作當

新應憐獨向名場，苦曾十餘年浪度。

集作過

春

寄韓潮州

前人

此身

集作心

曾與木蘭舟，直到天南潮水頭。  
隔嶺篇章來

華岳出關書信過，瀧流峯懸驛路殘。  
雲斷海浸城根老

樹秋一夕瘴煙風，捲盡月明初上浪。  
西樓

黎陽寄姚合

前人

魏都城裏遊從熟才子齋中止泊多去日綠楊垂紫陌

歸時白草映集作夾黃河新詩不覺千迴詠古鏡還曾一

集作魯經幾

番磨惆悵心思滑臺北滿杯濃酒與愁和

三月晦日贈劉評事

已見一百五十七卷

前人

戲贈友人

前人

一日不作詩心源如廢井筆硯為轆轤吟咏作縻綆朝

來重汲引依舊得清冷書贈同懷人詞中多苦辛

寄遠

前人

別腸多鬱紆豈能肥肌膚始知相結密不及相結踈踈  
別恨應少密離恨難祛門前南流水中有北飛魚魚飛  
向北海可以寄遠書不惜寄遠書故人今在無況此數  
尺身阻彼萬里途自非日月光難以知子軀

文苑英華卷二百五十九

欽定四庫全書

文苑英華卷二百六十

宋 李昉等 編

寄贈十四

姚合十三首

于武陵四首

朱慶餘八首

厲元一首

釋無可七首

劉得仁十九首

贈太祝張籍

姚合

絕妙

集作絕妙

江南曲淒涼愍女詩古風無手敵新語是人

知飛動終由格功夫過却奇儒書叅雜

集作添集

卷樂府換

歌詞李白應先拜

集作許

劉禎必有

集作自

疑貧湏君子救

病合國家醫野老

集作客

開山借隣僧與米炊甘窮

集作貧

辭聘幣依選授

集作受

官資多見愁連曉

集作晚

稀聞債盡

時聖朝文墨

集作物

盛太祝獨低眉

以下十三篇竝見集本惟寄李使君一篇

集無

贈王建司馬

前人

从向空門隱交親亦不知文高輕古語

集作意

官冷似前



資老學

集作覺

僧齋健貧還藥價

集作酒債

遲仙方小字寫行

坐把相隨

寄李頻

前人

性疎常似病

集作閉門常不出

間院

一作惟覺

長庭莎朋友來看少

詩書卧讀多命隨才苦

集作共

薄愁與酒

集作醉

相和珍重

君名字新登甲乙科

寄王度

前人

顛悴王居士顛狂不稱時天公與貧病時輩便

集作復

輕

欺茅屋隨時賃

集作  
年借

盤餐逐日移

集作  
炊

棄嫌官似夢敬

集作  
珍

重酒如師無竹栽蘆看思山疊石為靜窓邀客睡

集作留  
客話

古寺覓僧基瘦馬寒來死羸童餓得癡唯尋阮

籍傳

集作唯應  
尋阮籍

心事遠相知

寄賈島

前人

漫向城中住兒童不識錢甕頭寒絕酒竈額曉

集作  
冷

無

煙狂發吟如哭愁來坐似禪新詩有幾首旋被衆人傳

寄李羣玉

前人

九衢名與利無計擾閒人道遠輕欺世才高貴重身石  
脂稀勝乳玉粉細如塵骨換肌膚膩心虛集作靈氣色真  
嵩山高到日洛水暖如春居住應安穩黃金幾竈新

懷書寄友人 六韻

前人

精心奉北宗微官在南宮舉世勞無適開門事不窮年  
來復幾日蟬去又鳴鴻衰疾誰人問閒情與酒通四隣  
寒稍靜九陌夜方空知老何山是愚歸幽谷中

寄裴使君

集作喜覽裴  
中丞詩卷

前人

新詩盈道路清韻似敲金調格江山峻功夫日月深蜀  
牋方入寫越客始銷吟後輩難知處朝朝枉用心

寄絳州李使君

前人

獨施清靜化千里管橫汾黎庶應深感朝廷亦細聞心  
期在黃老家事是功勳物外須仙侶人間要使君花多  
勻地落疑山近滿庭雲戎客無因去西看白日曛

寄陸渾縣尉李景先

前人

微俸應

集作還

同請唯君獨自閒地偏無驛路藥賤管仙

山月色生松裏泉聲在石間吟詩復飲酒何事更相關

奉寄

集作和

東都留守令狐相公

前人

除書

集作官

東守洛陽宮恩比藩方任更雄拜表出時傳

七刻排班衙日有三公旌旗嚴重臨關外侍府

集作庭字

清

深接禁中三十六峯詩酒思朝朝閒望與誰同

寄東都分司白賓客

前人

闕下高眠過十旬南宮印綬乞離身詩中得意應千首

海內嫌官只一人  
賓客分司真是隱  
山泉遶宅豈辭貧  
竹齋晚起多無事  
唯到龍門寺裏頻

寄狄

文粹  
作耿

拾遺時魏州從事

前人

少在兵馬間  
長還繫戎職  
鷄飛不得遠  
豈要生羽翼  
三年城中遊  
與君最相識  
應知我衷腸  
不苟念衣食  
主人樹勲名  
欲滅天下賊  
愚雖乏智謀  
願陳一夫力  
人生須氣健  
饑凍縛不得  
睡當一席寬  
覺乃千里窄  
古人不懼死  
所懼死無益  
至交不可合一合  
難離析  
君嘗相勸勉

苦語毒曾臆百年心知問誰恨

集作限

河南北

贈賣松人

于武陵

入市雖求利憐君意獨真欲將寒澗樹賣與翠樓人瘦  
葉幾經雪淡花應少春長安種桃李徒染六街塵

友人南遊不迴因而有寄

前人

相思春樹綠千里亦依依鄆杜月頻滿瀟湘人不歸桂  
花風半落煙草蝶雙飛一別無消息水南車迹稀

早春日山居寄城郭知己

前人

陽和潛發蕩寒陰，便使川原景象深。  
入戶風泉聲瀝瀝，當軒雲岫自沉沉。  
殘雲帶雨輕飄雪，嫩柳含烟小綻金。  
雖有眼前詩酒興，遨遊爭得稱閒心。

寄友人

前人

長安清渭東，遊子迹重重。  
皆是紅塵路，難尋君馬蹤。  
昔時輕一別，漸老貴相逢。  
應戀嵩陽住，嵩陽有古松。

孔尚書致仕

因而有  
寄贈

朱慶餘

高人心易足，三表乞身閒。  
與世長

集作  
因

踈索唯僧得往



還直聲留闕下生計在林間時復逢晴集作清景乘車看

遠山

上汴州集作淮南令狐相公

前人

罷相思猶在那容處靜司政嚴初領節名重更因詩公  
事巡營後戎裝拜勅時恭聞長與善應念出集作合在身遲

贈集作題寄王秘書

前人

唯求賣集作買藥價此外更無機扶病看紅葉辭官着白

衣斷籬通野徑高樹蔭隣扉時復留僧宿餘集作遊人見

亦稀

上江州李員外

前人

起家聲望重自古更誰過得在朝廷少還因諫諍多經  
年愁瘴癘幾處想一作恩波入境無餘事唯聞父老歌

賀張水部員外拜命

前人

省中官最美無似水曹郎前代佳名遜當時重姓張白  
鬚吟麗句紅葉吐朝陽徒有歸山意君恩未可忘

發沂州寄田少君

前人

識君心未半意欲往經秋見酒聯詩句逢花跋馬頭別  
來唯獨宿夢裏尚同遊所在求滄過無因解得愁

上張水部

前人

出入門闌久兒童亦有情不忘將姓字長說向公卿每  
許連床坐時容並馬行思深轉無語懷抱自分明

贈江夏盧使君

前人

詩人中最屈無與使君儔白髮雖求退明時合見收登  
山猶自健縱酒可多愁好是能騎馬相逢見鄂州

寄婺州温郎中

時刺睦州

厲玄

積雪沒蘭溪，隣州望不迷。波中分鴈宿，樹杪接猿啼。婺

女家空在，星郎手未携。故山新寺額，掩泣荷重題。

中丞捨宅

為寺郎中為題寺額故有此句

贈王將軍

釋無可

勲高絕，少年分衛玉。階前雄勇明，王重温。恭執友賢功

書唐史，闊

集作闕

名到虜庭偏，劔彩浮龍影。衣香襲御烟

搜書秋霽閣，走馬夕陽田。急兔投深草，瞋鷹下半天。野

人迎邸第朝客醉盤筵位在

集作立

將軍列官隨憲府遷

刻心思報國吁氣欲開邊選帥如公議須知少比肩

寄羽林盧大夫將軍

前人

將軍

集作焚香

直禁園

一作闈

繡服耀

集作黃

金羈羽衛九天靜

英豪四塞知望雲回朔鴈隔水射宮麋

一作聽水宮池

舊國

無歸思秋堂夢戰時門風荀氏敵劔藝霍家推計日旌

旄下蕭蕭萬里追

集作馬隨

書事寄萬年厲員外

前人

帝城皆劇縣令尹美居東遂拜趙張下甃離星象中擁  
歸從北闕送上動南宮舉起盆中日驅行草上風不驚

盧犬

集作聞  
靈鷲

吠漸見夏臺空紫禁黃山遶滄溟素澆通

封疆親日月邑里出王公逐盜千門啟興祥五稼豐胥

徒迎曉集賦稅共秋終條教闕天道歌謠入聖聰土膏

寒麥覆人海晝塵蒙扉宇松連翠朝街火散紅文塲新

桂茂粉署舊蘭崇留客揮盈爵抽毫詠早鴻

公與諸文  
士賦早鴻

也詩前騶潘岳貴故里邵平窮勸隱蓮峯久期耕樹谷同

素約同歸  
華山樹谷

鳧飛將去葉劍氣尚埋  
豐一作 何必華陰土

方垂拂拭功

寄姚諫議

前人

鳴鞭靜路塵寂寞

集作藉藉

諫垣臣函疏封還

集作受專

密爐香

立獨親篋多臨水作窓宿卧雲人危坐開寒紙燈前起

草頻

大理正任二十所和江淹擬古三十章寄示

前人

不啻迴青眼，應疑似碧雲。  
古風真往哲，雅道濫朝臣。  
活獄威豪右，銷時賴典墳。  
如何經濟意，未克致吾君。

寄殿院薛侍御

前人

名高意轉

集作本

閒墻仞日

集作浮俗自

難攀佐蜀連，錢出朝

天獬豸還迴，翔歷清院彈。  
奏迴離班僧到休，揮翰開軒

復解顏

集作休，瀚通玄，旨留僧畫掩關

秋中聞馬戴遊華山因寄

前人

三峯待秋上，鳥外掛衣巾。  
獨見無窮境，應非暫往

集作住



身水寒仙掌路雲住集作林靜華陽人欲問壇邊月尋思缺  
復新

上翰林丁學士

劉得仁

今代如堯代徵

一作崇

賢察衆情久聆推行實然後佐聰

明官自文華重恩因顧問生詞人求作稱天子許和羹

御柳凋霜晚宮泉滴月清直廬寒漏近秋燭白麻成玉

殿移

集作多

時對金輿

集作階

數侍行賜衣香未散借馬色

難名時輩何偏羨儒流此最榮終當聞變理寰海永昇

平

登第山中舒懷寄上丁學士 前人

五字投精鑒慙非大雅詞本求閒賜覽豈料便蒙知幽  
拙欣殊幸提携更不疑弱苗須雨長懶翼在風吹礪鏃

端楊葉光門待桂枝計聞塵裏譽因和禁中詩

學士有  
禁中詩

早春曾  
命和

上姚諫議

前人

高文與盛德皆謂古無倫聖代生才子明庭有諫臣已

瞻龍袞近漸向鳳池新却憶波濤郡來時島嶼春名因  
詩句大家似布衣貧曾暗投新軸頻聞獎滯身照吟清  
夕月送藥紫霞人終計依門館何疑不化鱗

陳情上李景讓大夫

前人

一被浮名誤旋遭白髮侵徘徊戀明主夢寐在秋岑遇  
物唯多感居常只是吟待時鈴定口經事壓低心辛苦

文場久因緣戚里深

親弟大中  
元年尚主

老迷新道路窮

集作  
質

賣

舊園林晴賞行聞水宵碁坐見參龜留聞去問僧約偶

來尋望喜潛憑鵲娛情願有琴此生如遂意誓死報知音上德憐孤直唯公拔陸沉丘山恩忽被螻蟻力難任作鑒明同日聽言重若金從茲更無報一作限翹足俟為霖

上丁學士

前人

何處訪岐路青雲但憶歸風塵數年限集作恨門館一生

依外族帝王是中朝故一作親舊稀翻令浮議者不許九

霄飛

贈雍陶博士

前人

腹是羣書笥官為六義師情高少塵事朝下足閑時有  
句同人伏無私胄子知漢廷公議在正與觸邪宜

和鄭先輩謝秩閒居寓書所懷

前人

西風日夜吹萬物共離披近甸新晴後高人得意時慙  
閑心亦泰論道固難欺把筆還詩債將琴當酒資藍衫  
懸竹桁烏帽掛松枝名占文章重官歸諫憲遲生涯貧

帝里公議到台司室冷沾苔蘚門清絕路岐莫言隣白  
屋即賀立丹墀豈慮塵埃久雲霄故有期

夏日感懷寄所知

前人

了了見岐路欲行難負心趨時不圓轉自古易湮沉日

正林方合蜩鳴夏已深中郎

一作  
蔡邕

今遠在誰識爨桐

集  
作

中音

病中晨起即事寄場中往還 前人

昨日離塵裏今朝懶已成豈能為久隱更欲泥浮名虛

曠晨光白幽園曉氣清  
戴沙尋水去披霧入林行  
疊葉孤禽在初陽半樹明  
桑麻新雨潤蘆荻古波聲  
易向田家熟元於世路生  
病多三徑塞吟苦四隣驚

陳情上知己

前人

性與才俱拙名場迹甚微  
久居顏益厚獨立事多非  
刻骨搜新句無人憫白衣  
明時自堪戀不是不知集作機志

秋夜寄友人

前人

永夜無他慮長吟畢二更  
暗燈搖碧影滯雨滴堦聲  
道

進愁還淺年加睡自輕如何得深術相與捨浮名

集作榮

寄春坊顧校書

前人

寧因不得志寂寞本相宜瞑目冥心坐花開葉合

集作花落

時數畦蔬甲出半夢鳥聲移只恐龍樓曉

集作吏

歸山又

更一作見違

寄雍陶先輩

前人

久別青雲士幽人分固然愁心不易去蹇步卒難前  
盡落經霜葉頻陰欲雪天歸山自有限豈待白頭年



寄友人

前人

所思同海岱所夢亦烟波  
默坐看山久閒行值寺過  
獨吟黃葉亂相去碧峯多  
幸一作我有歸心在君行竟若何

對月寄雍陶

前人

圓明寒魄上天地一光中  
臨水通宵坐知君此興同  
華凝衣有露靜極樹無風  
若向湘江見湘江見底空

喜顧非熊上第其年內索文章

前人

愚為童稚時已解愛君詩  
恠得高科晚須逢聖主知  
花前翻有淚鬢上却無絲  
從此東西集作歸去休為墜葉期

寄謝觀

前人

十五年餘苦今朝始遇君  
無慙於白日不枉別孤雲  
得失天難問稱揚鬼亦聞  
此恩銷鏤骨吟坐葉紛紛

贈敬暉助教二首


前人

到來常聽說清虛  
手把玄元七字書  
仙籍不知名姓有  
道情惟見往來疎  
已能絕粒無饑色  
早晚休官買隱居

便欲去隨為弟子片雲孤鶴肯相於

二

街西靜觀求居處不到權門到寺頻  
禁掖人知連狀薦國庠官滿一家貧  
清儀都道一作稱是蓬瀛客直氣堪為諫  
諍臣自顧無成年漸長報恩唯願殺微身



欽定四庫全書

文苑英華  
卷二百六十

十五

文苑英華卷二百六十

欽定四庫全書

集部

文苑英華卷二百六十一

至

詳校官太僕寺少卿臣李廷欽

助教臣常循履勘

總校官進士臣朱鈐

校對官中書臣秦泉

謄錄監生臣閔學注

欽定四庫全書

文苑英華卷二百六十一

宋 李昉等 編

寄贈十五

周賀二十一首

溫庭筠二十四首

杜牧十八首

許渾十八首

曹汾一首

寄寧海李明府

周賀

山縣風光異

一作美

公門石水清  
一官居外府  
幾載別

一作

到日東京故疾梅天發新詩雪夜成家貧希一作減選時思

靜憶歸耕抱疾窮一作把書義澄心得獄情夢靈邀客疏尋

一作韶解劍一作鏡古棟人一作覓僧呈守月通一作閨宵坐尋花

迴路一作傍徑行從來知愛道何慮白髭生

投江州張郎中

前人

要地無集作多閒日仍容集作容仍冒謁頻借集作買山年涉閨

寢郡月踰旬驛徑曾衝雪公泉省滌塵隨行溪路細接

話草堂新減藥痊餘一作全除癖飛書問苦集作苦問貧噪蟬離

宿集作拋穀吟客寄秋身鍊句盈箱篋懸圖視蜀閩靜居

集作使君匡阜近終作社中人

出關寄賈島一作送客

前人

舊鄉無子孫誰共老青門迢遞早秋路別離深夜村伊  
流偕遠客岳響答啼集作清猿去後期招隱何當復此言

此詩二百七十九卷重出今已削去

贈胡僧

前人

瘦闕無血色草履着行穿閒話似持咒不眠同坐禪背



經來漢地袒膊過冬天情性人難會遊方應信緣

贈然上人

前人

竹逕瓶水新深稱北窓人講罷見黃葉詩成尋舊隣錫

陰迷

集作連

坐石池影露齋身苦作南行

集作遊

約勞生始

問津

春日山居寄友人

前人

春居無俗喧時立澗門前路遠少來客山深多過猿帶

集作倚

巖松色老臨水杏花繁除憶文留役

集作外

何人更

可言

贈朱慶餘校書

前人

風泉盡

一作夜

結冰寒夢

一作入

徹西陵越信楚城得遠懷

中夜興樹停沙島鶴茶會石橋僧寺閣連官舍行吟過

一作到幾層

贈緱氏

集作山

李明府

前人

貴邑清風滿唯

集作誰

通上宰心杉松出郭部

集作杉 出外部 檉

雨電下高陰度鴈方當壘來僧始到岑西池月色迥

集作

孤月色會接一宵吟

寄杭州姚合郎中

前人

轉海移

集作轉  
刺來

山郡連年別省曹分題得客

集作  
惠

少着

價買書高暮

集作  
晚

柳蟬和角寒城燭照濤鄱陽

集作  
溪

卧

疾久

集作  
者

未暇

集作  
不

從乘艘

寄朱慶餘

已見二百  
三十一卷

贈李主簿

前人

稅時兼主印每日得閒稀對客放科吏為官亦典衣案

遲吟坐待宅近步行歸見說論詩道應愁斷是非

贈厲元侍御

前人

山松徑與瀑泉通巾舄行吟想越中塞鴈去經華頂末  
鄉僧來自海濤東關分河漢秋鍾絕露滴獼猴夜岳空  
抱疾因尋周柱史杜陵寒葉落無窮

贈姚合郎中

前人

望重來為守土臣清高還似武公貧道從會解惟求靜  
詩造玄微不趣新玉帛定知難撓思雲泉終是得關身

兩衙向後無餘事門館多逢請益人

晚秋江館書事寄姚郎中

前人

病寄西州居帶城倚門孤柳一蟬鳴澄江月上見魚擲  
荒逕葉乾聞犬行越島夜無侵閣色寺鍾寒有隔源聲  
故園賣卜休歸去湖水秋來空自平

上陝府姚中丞

前人

此心長愛狎禽魚仍候登封獨著書領郡只嫌生藥少  
在官長恨與山疎成家盡是經綸後得句應多諫諍餘

見說養真求退靜溪南泉石許同居

贈道人

前人

布褐高眠石竇春  
迸泉多濺黑紗巾  
搖頭說易當朝秀  
落手圍棋對俗人  
自算天年窮甲子  
誰同雨夜守庚申  
擬當太華何時去  
他日相尋乞藥銀

寄韓司兵

前人

多病十年無舊識  
滄洲戰後始逢君  
已知罷秩辭瀧水  
相勸移家近岳雲  
泗上旅郵侵疊浪  
雪中歸路踏荒墳

若為此別終期老書札何曾寄北軍

夏日寺居寄楊侍御

前人

雨過北

一作碧

林空晚景院閒人去掩斜陽十年多

一作苦

病度寒

一作落

葉萬里亂愁生夜牀終欲反耕甘性拙多

一作夕

慙他

一作多

事與身忙還

一作遠

知謝客名先重肯為

詩篇問

一作接

楚狂

寄金陵僧

前人

水石致身閒自得平雲竹閣少炎蒸齋牀幾減供禽食

禪徑寒通照像燈  
覓句當秋山落葉  
臨書近臘硯生冰  
行登揔到諸餘寺  
坐聽蟬聲滿四稜

寄長孫中丞

前人

潯陽却到是何日  
此地今無舊使君  
長憶窮冬宿廬岳  
瀑泉冰折共僧聞

寄潘綿

前人

楊柳垂絲與地連  
歸來一醉向溪邊  
相逢頭白莫惆悵  
世上無人長少年



寄山中人

溫庭筠

月中一雙鶴石上千尺松素琴入爽籟山酒和春容幽  
瀑有時斷片雲無所從何事蘇門嘯携手東南峯

旅泊新津欲寄一二知己

前人

維舟息行役宵景近江村併起別離恨思聞歌吹喧高  
林月初上遠水霧猶昏玉粲平生感登臨幾斷魂

初秋寄友人

前人

閒夢正悠悠涼風生竹樓夜琴如欲雨曉簾覺新秋獨

鳥楚山遠一蟬闌樹愁憑將離別恨江水問同一作東遊

贈僧雲棲

前人

塵尾與筇杖幾年離石壇梵餘林雪厚碁罷岳鍾殘開  
卷喜先悟激瓶知早寒衡陽寺前鴈今日到長安

雪夜與友生同宿曉寄近隣

已見一百五十四卷

前人

鄠郊外墅寄所知

前人

持願望平綠萬景集所思南塘過新雨百草生容姿幽

鳥不相識美人何可期徒然委搖蕩惆悵春風時

贈盧郎中

前人

白首方辭滿荆扉對渚田雪中無陋巷醉後似當年一  
笈負山藥兩瓶携澗泉夜來風浪起何處任漁船

贈盧長史

前人

移病欲成隱扁舟歸舊居地深心事少官散故交疎道  
直更無侶家貧惟有書東門煙水夢非獨為鱸魚

寄渚宮遺民弘里生

前人

柳弱湖堤曲籬疎水巷深酒闌初促席歌罷欲分襟波  
月欺華燭江雲潤故琴鏡閒花共葉牀冷簟連心荷疊  
平橋暗萍稀敗舫沉城頭五更鼓窓外萬家砧異縣雨  
投浪當年鳥共林八行香未減千里歎難尋未肯睽良  
顧空期嗣好音他時詠懷作猶得並南金

春日將欲東歸寄新及第苗紳先輩

一作下第  
寄司馬禮

前人

幾年辛苦與君同得喪悲歡盡是空猶喜故人先折桂

自憐羈客尚飄蓬  
三春月照千山路  
集作道十日花開一

夜風知有杏園無路  
一作計入馬前惆悵滿枝紅

贈李將軍

前人

誰言荀

一作家荀

羨愛功勳年少登壇衆所聞  
曾以能書稱

內史又因明易號將軍  
金溝故事春長在玉軸遺圖火

集作文華

半焚不學龍驤畫山色

集作水

醉鄉無迹似閒雲

寄盧生

前人

遺業荒涼近故都  
門前堤路枕平湖  
綠楊陰裏千家月

紅藕香中萬點珠  
此地別來雙鬢改  
幾時歸去片帆孤  
他年猶擬金貂換  
寄與黃公舊酒壚

贈袁司錄

即丞相淮陽公之猶子與庭筠有舊也

前人

一朝辭滿有心期  
花發楊園雪覆<sub>一作</sub>枝  
劉尹故人諳

往事謝郎諸弟得  
新知金釵醉就胡姬畫  
玉管閒留洛客吹  
記得襄陽耆舊語  
不堪風景岷山碑

寄清涼寺僧

已見二百三十三卷

贈蜀將

蠻入城都頗著勲勞見三百卷邊將門

前人

春暮宴罷寄宋壽先輩

前人

斜掩朱門花外鍾  
曉鷺時好相逢  
窻間桃葉集作宿

粧在雨後牡丹春  
睡濃蘇小風姿迷  
下蔡馬卿才調似

臨邛誰憐芳草連集作三徑參佐橋西陸士龍

寄岳州李外郎遠一作前人

含嚔不語坐楮頤  
天近樓高宋玉悲  
湖上殘碁人散後

岳陽微雨鳥來遲  
早梅猶得回歌扇  
春水還應理釣絲

獨一作有素安一作正憔悴一樽惆悵落花時

投

集作上

翰林蕭舍人

前人

人間鴛鴦香難從猶恨

集作獨恨

金扉直幾

集作九

重萬象曉

集作晚

歸仁壽鏡百花春滿

集作隔

景陽鐘紫微芒動詞初

出紅臘香殘詔未封每過朱門愛庭樹一枝何日許從容

秋日旅舍寄義山李侍御

前人

一水悠悠隔渭城渭城風物近柴荆寒蛩乍響催機杼旅鴈初來憶弟兄自為林泉牽曉夢不關砧杵動秋聲



子虛何處堪消渴試向文園問長卿

却歸

集作徑

商山寄贈同行友人

前人

曾讀逍遙第一篇爾來何事

集作無處

不恬然便同南郭能

忘象兼筴東林學生禪人事轉新花爛熳驛

集作客

程依

舊水潺湲若教猶作當時意應有垂絲在鬢邊

遊南塘寄王知白

前人

白鳥梳翎立岸莎藻花菱刺泛微波煙光似帶侵垂柳

露點如珠落黯荷楚水晚涼催客早杜陵秋思傍蟬多  
劉公不信歸心切聽取江樓一曲歌

晚坐寄友人

前人

九枝燈在瓚窓空希逸無聊恨不同曉夢未離金夾昧  
早寒先到石屏風遺簪可惜三秋白蠟燭猶殘一寸紅  
應卷鰕簾看皓齒鏡中惆悵見梧桐

西江寄友人

集作貽  
鈞叟

騫生前人

碧天

集作  
晴江

如鏡月如鈎泛灩蒼茫迷客愁夜淚潛生竹

枝曲春灘遙聽

集作上

木蘭舟事隨雲去身難到夢逐煙

銷水自流昨日歡娛竟何事

集作在

一枝梅謝楚江頭

寄河南杜少府

集作尹

前人

十歲

集作載

歸來鬢未彫玳簪珠履見常僚豈關名利分

榮路自有才華作慶霄鳥影不飛

集作參差

經上苑騎聲相

續過中橋夕陽亭下

集作畔

山如畫應念田歌正寂寥

許七侍御棄官東歸瀟洒江南頗聞自適高秋

企望題詩寄贈十韻

杜牧

天子繡衣吏東吳美退居有園同庾信避事學相如蘭  
畹晴香嫩筠溪翠影踈江上九秋後風月六朝餘錦肆  
開詩軸青囊結道書霜巖紅薜荔露沼白芙蓉睡雨高  
梧密碁燈小閣虛凍醪元亮秫寒膾季鷹魚塵意迷今  
古雲情識卷舒他年雪中棹陽羨訪吾廬

於義興縣  
近有水榭

除官行至昭應聞友人出官因寄

前人

賤子行

集作  
來

千里明公去一麾不能揮

集作  
休

涕淚豈獨

感恩知草木窮秋

集作秋風

後山川落照時如何望故國驅

馬却遲遲

江上雨寄崔碣

已見一百五十三卷

贈張祜

前人

詩韻一逢君平生稱所聞粉毫惟畫月瓊尺只裁雲  
點陣人人懾秋霜

集作星

歷歷分數篇留別我羞殺李將軍

寄張祜

見三百十三卷

寄李起居四韻

前人

楚女梅簪白雪姿前溪碧水凍

一作水

醪時雲壘心凸知

難捧鳳管簧寒不受吹南國劒眸能盼睐侍臣香袖愛  
傲垂自憐窮律窮途客正劫孤燈一局碁

李給事

前人

一章緘拜阜囊封

集作中

懔懔

集作懔懔

朝廷有古風元禮去

歸綸氏學

李膺退罷歸綸氏教授生徒給事論鄭注告滿歸潁陽也

江充來見犬臺

宮

鄭注對於浴堂中

紛紜白晝驚千古鐵鑕朱殷幾一空曲突

徙薪人不會海邊今作釣魚翁

李膺事載後漢本傳今杜集誤作維氏

寄宣州鄭諫議

前人

大夫官重鎮江東瀟洒名儒振古風文石階

集作

前辭

聖主碧雲天外作冥鴻五言寧謝顏光祿百歲須齊衛

武公再拜宜為

集作

丈人行過庭交分有無同

豫章中丞業深韜畧志在功名再拜

集作

長句

兼有諂勸

前人

檣似鄧林江泊天越香巴錦萬千千滕王閣上柘枝鼓

徐孺亭前鐵軸船八郡元侯非不貴萬人師長豈無權

要君

一作知

嚴重踈歡樂猶有河湟可下鞭

時收河湟

初春雨中舟次和州裴使君見迎李趙秀才同

來因書四韻兼寄許渾

前人

芳草渡頭微雨時萬株楊柳拂波垂蒲根水暖鴈初浴

梅徑香寒蜂

一作蝶

未知詞客倚風吟暗澹使君迴馬濕

旌旗江南仲蔚多情調惆悵春陰幾首詩

途中寄友人

前人



道傍高木盡依依，落葉驚風處處飛。  
未到鄉關聞早鴈，獨於客路受寒衣。  
煙霞舊想長相阻，書劍投人久不歸。  
何日一名隨事了，與君同採碧溪薇。

贈李處士長句四韻

前人

玉函怪牒鎖靈篆，紫洞香風吹碧桃。  
老翁四百爪牙利，擲史萬里精神高。  
靄靄祥雲隨步武，纍纍秋塚嘆蓬蒿。  
三山朝去應非久，姹女當窓織羽袍。

贈李秀才是上公孫子

前人

骨清年少眼如冰  
鳳羽參差五色層  
天上麒麟時一下  
人間不獨有徐陵

寄揚州韓綽判官

前人

青山隱隱水遙遙  
秋盡江南岸  
草集作草木凋  
二十四橋明

月夜美

集作玉

人何處坐

集作教

吹簫

冬至日寄小姪阿宜

前人

小姪名阿宜  
未得三尺長  
頭圓筋骨緊  
兩臉明且光  
去年學官人  
竹馬遶西廊  
指揮羣兒輩  
意氣何堅剛  
今年

始讀書下口三五行隨兄旦夕去歛手整衣裳去歲冬  
至日拜我立我傍祝爾願爾貴仍且壽命長今年我江  
外今日生一陽憶爾不可見祝爾傾一觴陽德比君子  
初生甚微茫排陰出九地萬物隨開張一似小兒學日  
就復月將勤勤不自已二十能文章仕宦至公相致君  
作堯湯我家公相家劔珮常丁當舊第開朱門長安城  
中央第中無一物萬卷書滿堂家集二百編一作三百篇上  
下馳皇王多是撫州寫今來五紀強尚可與爾讀助爾

為賢良經書刮根本史書閱興亡高摘屈宋艷濃薰班  
馬香李杜泛浩浩韓柳摩蒼蒼近者四君子與古爭強  
梁願爾一祝後讀書日日忙一日讀十紙一月讀一箱  
朝廷用文治大開官職場願爾出門去取官如驅羊吾  
兄苦好古學問不可量晝居府中治夜歸書滿牀後貴  
有金玉必不為爾藏崔昭生崔芸李兼生窟郎堆錢一  
百屋破散何披猖今雖未即死餓凍幾欲僵參軍與縣  
尉塵土驚動勅一語不中治笞箠身滿瘡官罷得絲髮

好買百樹桑稅錢未輸足得米不敢嘗願爾聞我語歡  
喜入心腸大明帝宮闕杜曲我池塘我若自潦倒看汝  
爭翔翔揔語諸小道此詩不可忘

赴京初入汴口曉景即事先寄兵部李郎中

前人

清淮控隋漕北走長安道檣形櫛櫛斜浪態迤迤

徒何反

好初旭紅可染明河淡如掃澤闊鳥來遲村饑人語早  
露蔓蟲絲多風蒲燕雛老秋思高蕭蕭客愁長曷曷因

懷京洛間宦遊何戚草什伍持津梁瀕湧爭追討翮使  
詎可尋幾秘安能考小人乏馨香上下將何一作禱唯  
有君子心顯豁知幽抱

題安州浮雲寺樓寄湖州張郎中

見三百十三卷

前人

贈宣州元處士

見三百三十一卷

前人

寄題南山

集作商洛

王隱居

許渾

近逢商洛客知爾住南塘草閣平春水柴門掩夕陽隨

蜂收野蜜尋麝採生香更憶前年醉松花滿石床

留贈偃師主人

前人

孤城漏未殘徒侶拂征鞍洛北去愁遠淮南歸夢闌曉  
燈回壁暗晴雪卷簾寒強盡

集作更盡

主人酒出門行路難

贈梁將軍

前人

曾經黑山虜一劍出重圍年長窮書意時清隱戰機

集作

釣磯

高僧

集作齋

雲外住瘦馬月中歸唯說鄉心苦春風鴈

北飛

贈柳璟陶馮二校書

前人

霄漢兩飛鳴喧喧滿

集作動

禁城桂堂同日盛芸閣隔年

榮香掩蕙蘭氣韻高鸞鶴聲應憐茂陵客未有子虛名

寄友人

集作寄表校書

前人

新歲

集作貧居

樂游北江海思迢迢雪夜書千卷花時酒一

瓢獨吟

集作愁

秦樹老孤夢楚山遙有路應相念風塵滿

黑貂

將歸茅山兼寄李叢時兩河用兵

集作聞兩河用兵因貽友



人

前人

故人已遠身事與誰論氣直

集作性拙

難趨世心孤易感

恩晨歌

集作秋悲

憐宋玉夜舞笑劉琨從此歸山去無因更

出門

集作徒有干時策青山尚掩門

長興里夏日寄南陵避暑

前人

侯家大道傍蟬噪樹蒼蒼開鎖洞門遠下簾高館涼欄  
圍紅藥盛架引綠蘿長永日一歌枕故山雲水鄉

舟行早發廬陵郡郭寄滕郎中

前人

楚客停橈太守西

集作知

露凝丹葉自愁

集作秋

悲蟹螯只

恐相如渴鱸膾應防曼倩饑風卷曙雲飄角遠雨昏寒

浪挂帆遲離心可羨高齋夢

集作夕

巫峽花深醉玉卮

京口閒居寄兩都親友

集作京洛友人

吳門煙月昔同遊梧葉蘆花並客舟聚散有期雲北去

浮沉無計水東流一樽酒盡青山暮千里帆

集作書

回碧

樹秋何處相思不相見鳳城宮闕楚江頭

集作樓

郊園秋日寄洛中友人

一作親友

前人

楚水西來天際流 感時相

一作傷

別思悠悠一樽酒 盡青

山暮千

一作萬

里書

一作春

回碧樹 秋日落遠波 驚

一作低

宿

鴈風吹輕浪起 眠鷗嵩陽親友誰相念

一作相問

如潘岳閒

居欲白頭

此詩第二聯與前篇同未喻

獻鄜坊邱常侍

前人

詔選將軍護北戎 身騎白馬背彤弓 柳營遠識金貂貴

榆塞遙知玉帳雄  
秋檻鼓鼙驚朔雪  
曉階旗纛起邊風  
蓬萊每望平安火  
應奏班超定遠功

寄當塗李遠

前人

賦擬相如詩似陶  
雲陽煙月又同袍  
車前驥病駑駘逸  
架上鷹閒鳥雀高  
舊日樂貧能飲水  
他時隨俗願鋪糟  
不須倚向青山住  
詠雪題詩用意勞

寄殷堯藩

前人

十年聞君

集作名

翰墨林為從  
知已信浮沉

集作沉沉

青山有

雪諳松性碧落無雲稱鶴心帶月獨歸蕭寺遠翫花頻

醉庾樓深尋思

集作思君

一見如瓊樹空把新詩盡日吟

移攝太平寄前李明府

前人

病移巖邑稱閒身幾

集作何

處風光貴酒頻溪柳遶門彭

澤令野花連洞武陵人嬌歌自駐壺中日

集作景

艷舞長

留海上春早晚高臺更同醉綠蘿如帳草如茵

春日思舊遊寄南徐從事劉三復

前人

風暖曲江花半開，忽思京口共銜盃。  
湘潭雲盡暮山出，巴蜀雪消春水來。  
懷玉尚悲迷楚塞，捧金猶羨樂燕臺。  
薊門高處極歸思，隴鴈北飛雙鷺迴。

贈河東虞押衙

前人

吳門風水各

集作洛

萍流月滿花開，懶獨遊萬里山川分。

曉夢四隣歌管送，春愁昔年顧我長青眼。今日逢君已

集作

白頭，莫向樽前更惆悵。古來投筆盡

集作

封侯

移攝太守

集作陵陽春日

寄汝洛舊遊

許渾

百年身世學

集作似

飄蓬澤國移家疊嶂中萬頃碧波魚

戀釣九重青漢鶴愁籠西池水冷春巖雪南陌花香晚

曉

集作

樹風縱有芳樽何處

集作心不

醉故人今

集作多

在洛城

東

寄友人

集作寄示汝都

許渾

朱檻煙窓

集作霜

夜坐勞美人南國舊同袍山長水遠無

消息瑤瑟一彈秋月高

望九華寄衡陽杜員外

曹汾

載月早辭三秀館  
遲明初識九華峯  
差差玉劍寒鋌利  
曷曷青蓮翠葉重  
竒狀却疑人畫出  
嵐光如為客添濃  
行春若到五溪上  
此處褰帷正面逢

諸本兩卷皆作二百六十一其篇數雖合總目而  
詩多重複或全異者如周賀十二首重者三温庭  
筠十五首重者五杜牧九首皆不同許渾十四首  
前卷闕其九後卷增其所贈者許集又無之而



總目却有曹汾一首疑是汾詩今合為一卷去其  
重複注異同為一作

文苑英華卷二百六十一